



REPUBLIKA E KOSOVËS

KUVENDI I KOMUNËS-VUSHTRRI

PROCESVERBAL
NGA MBLEDHJA E -II- E RREGULLT E KUVENDIT TË KOMUNËS SË
VUSHTRRIË, MBAJTUR MË 29 SHKURT, VAZHDUAR MË 07 MARS 2024

Mbledhja është mbajtur në sallën e Kuvendit të Komunës së Vushtrrisë, duke filluar në orën 10:20. Në këtë mbledhje ishin të pranishëm anëtarët e Kuvendit të Komunës së Vushtrrisë:

Adnan Lahu, Ali Januzi, Agron Përçuku, Alban Bajrami, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Faton Hyseni, Galip Audiu, Ilmi Azemi, Kushtrim Hyseni, Leonora Gërguri, Fatmire Cecelia, Jeton Gjaka, Mek Selaci, Refik Maloku, Melihate Basholli-Latifi, Mensur Kasumi, Mensur Kastrati, Mentor Hasani, Nasuf Aliu, Nurten Çerkezi-Gjyshinca, Spasoje Stefanoviq, Sylejman Mehulli, Ymer Haradinaj dhe Zojë Hajrizi.

Munguan: Agim Bregaj, Fakte Dushi, Gentiana Rama, Gresa Muli, Nurie Halili dhe Shkelzen Xhaferi.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 29 anëtarë të kuvendit, kuorum i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi, nënkryetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Melihate Basholli-Latifi-kryesuese e kuvendit-në fillim të mbledhjes prezantoi para kuvendit pikat e dërguara për rendin e ditës në të ndryshme.

Sylejman Mehulli, anëtar i kuvendit-para kuvendit prezantoi mocionin e opozitës për shkarkimin e kryesuese së kuvendit, ku ndër të tjera shtoi se ky mocion është bërë me arsyetimin se kohëve të fundit kanë ndodhur zhvillime në kuvendin e komunës që bien në kundërshtim me praktikën parlamentare, në kundërshtim me rregulloren e punës së kuvendit, dhe në kundërshtim edhe me Statutin e Komunës së Vushtrrisë. Jemi dëshmitarë se në jo pak seanca është vepruar në kundërshtim me vullnetin e anëtarëve të kuvendit, dhe siç dihet fakti se asnjë vullnet tjetër nuk mund të mbivendoset mbi votën qytetare të përfaqësuar nga anëtarët e kuvendit, sepse në disa pika ku anëtarët e kuvendit kanë votuar pro janë konsideruar kundër dhe janë rrëzuar vendime në interes qytetar. Duke filluar nga propozim-vendimi për subvencionet për fëmijët e porsalindur, ku ky vendim kishte kaluar për aprovim, ndërsa kryesuesja konstaton se i njëjti nuk aprovohet. Pastaj nuk ishte vepruar drejt as me vendimin për aprovimin e shujtave për shërbyesit civil, por duke u nisur edhe nga praktikën tjera jo parlamentare, ku kryesuesja e kuvendit bënte shkelej permanente

dhe vazhdimisht ndikohet dhe interferohet nga kryetari i komunës dhe të tjerët. Duke marrë për bazë se kryesuesja e kuvendit duhet të jetë e pavarur, duke u nisur nga parim se pushtetet janë të ndara legjislativi dhe ekzekutivi, kërkoj nga të gjithë anëtarët e kuvendit që të mbështesin mocionin për shkarkimin e kryesueses së kuvendit, duke i dhënë dhe hapur rrugën demokracisë dhe funksionimit të kuvendit, duke bërë një kuvend dinjitozë dhe të besueshëm. Në këtë kontekst shtoj dhe vlerësoi se nuk kanë pretendime që ta marrin si parti pozitën e kryesueses së kuvendit, por ceku se ka keqpërdorim dhe keq menaxhim të kuvendit në procesin e vendimmarrjes duke prerë incizimet dhe duke devijuar procesin e vendimmarrjes. Në fund përsërit duke kërkuar që të votohet mocioni për shkarkimin e kryesueses së kuvendit, për faktin se njëjta ka dështuar në drejtimin e kuvendit dhe menaxhimin e tij, sepse mungoj investimet për sallën e kuvendit digjitalizimi, votimi elektronik gjëra për të cilat është dashur të kujdeset kryesuesja e kuvendit.

Adnan Lahu, anëtar i kuvendit-duke adresuar para kuvendit vlerësoi se mocioni i opozitës nuk duhet kuptuar si diçka personale, por degradimi i punën së kuvendit për dy vite radhazi është për keqardhje, kjo dëshmohet me faktin se ka shumë vendime që janë kthyer të kundërligjshme nga ministria për shkak të keq menaxhimit të kuvendit, hiq faktin se në këtë mandat ka ndodhur që të votohet për anëtarë të kuvendit që nuk kanë qenë fare prezent. Pastaj në këtë kuvend merren vendime me shumicë votash e më pas del se vendim nuk është aprovuar, nuk është misioni i opozitës që ta marr pozitën e kryesuesit të kuvendit, por qëllimi është që kuvendi ti kthehet normalitetit. Ai ftoj të gjithë anëtarët e kuvendit që ta votojnë mocionin për shkarkimin e kryesueses së kuvendit, por si duket PDK-ja paska punuar natën ashtu siç e ka zakon.

Faton Hyseni, anëtar i kuvendit-tha se nuk pajtohet me dy parafolësit e tij, megjithëse ka pasur disa probleme në seancat e kaluara, sepse numërimi i votave nuk ka qenë si duhet, më tej probleme ka pasur edhe tek incizimi i mbledhjeve dhe masa duhet të merren tek IT-ja. Në fund të fundit nëse edhe i kemi votat për shkarkimin e kryesueses, atëherë kush do të udhëheq kuvendin, sepse nëse kjo pozitë do të merret nga opozita atëherë vetëm do të ketë bllokim të projekteve dhe atëherë humbës do të jenë qytetarët e Komunës së Vushtrrisë. Në fund tha se ai nuk ka votë për shkarkimin e kryesueses, por zëri i tij do të jetë përherë kritik kur gjërat nuk shkon si duhet, por ai kurrë nuk do të bëhet pjesë e matematikave dhe makinacioneve që janë në dëm të qytetarëve.

Refik Maloku, anëtar i kuvendit-tha se gabimi i parë që bërë kryesuesja është se bëri gabimisht konstatimin e prezencës së anëtarëve të kuvendit. Pastaj shtoj se kryetari i komunës, ka nevojë të bëjë intervenim në arsyen e tij dhe shtroj se ai bisedon ndonjëherë Ferit Idrizi me kryetarin e komunës duke e pyetur veten e tij se çfarë është duke bërë kryetari i komunës. Nëse shikojmë se çfarë ka bërë kryetari i komunës për këto dy vite atëherë shohim se ai ka hapur një gropë në mes të qytetit, dhe krahasoj se në vitet e 90-ta në Tiranë ka qenë hapur një gropë e quajtur “Gropa e Hajdinit” e cila ka qëndruar për 10 vite e hapur dhe edhe kryetari i komunës për dy vite është marr me këtë gropë dhe asgjë tjetër. Kjo tregon se kjo qeveri ka dështuar për sa i përket realizmit të projekteve sepse akoma nuk ka ujë të pijes, nuk ka trajtimi të ujërave të zeza, nuk funksionon trafiku publik dhe kjo qeveri nuk ka bërë asnjë punë për të cilën është e thirrur për të bërë. Andaj pyeti se çfarë do të thotë qytetarëve dhe familjes së tij pas përfundimit të mandatit, dhe supozoj se çfarë ka për deklaruar se i ka pasur vetëm 12 deputet ti cilët i ka mashtruar vazhdimisht duke iu punësuar dikë, duke jap ndonjë favor. Kjo po shihet edhe sot sepse kemi mungesë të deputetëve të opozitës sepse kemi një nënkryetar i cili natën i ka kryer punët në telefon duke i bindur këtë deputet që mos të marrin pjesë në mbledhje, kështu funksionon PDK-ja sepse është parti e natës. Në fund tha se i vjen shumë keq që kryetari i komunës ka pësuar në këtë formë sepse me të ka pasur një ngjashmëri goxha të madhe në rrugëtim por i njëjti është zhytur vetëm në manipulime dhe asgjë tjetër.

Bekim Zabërgja, anëtar i kuvendit-nisi diskutimin e tij duke vlerësuar se shkelësit e rregullores po kërkojnë shkarkimin e kryesueses së kuvendit. Ai shtoj se në fillim të mbledhjes u shkel rregullorja konkretisht neni 35 i saj ku thuhet: Para miratimit të rendit të ditës, anëtarët e kuvendit mund të diskutojnë për çështje që nuk janë të parapara në rendin e ditës, por që janë të rëndësishme dhe me interes për komunën. Prandaj meqenëse pika për shkarkimin e kryesues është në rendin e ditës atëherë kur të vjen radha e shqyrtimit atëherë duhet të diskutohet për këtë pikë. Kërkoj nga kryesuesja e kuvendit që ta zbatoj rregulloren e punës së kuvendit.

Agron Përçuku, anëtar i kuvendit-tha se ata që thirren në shkeljen e rregullores ata flasin me minuta të tërë duke shkelur rregulloren. Më tej shtoj se në fillim të këtij mandati është zgjedhur kryesuesja e kuvendit, dhe një ndër votat për të zgjedhur ka qenë edhe vota e tij si anëtarë i kuvendit nga radhët e LDK-së, pa pasur asnjë interes personal duke tejkalluar edhe vijat partiake e politike, por duke llogaritur që zhbllokohet puna funksionimi i kuvendit, njëkohësisht duke respektuar figurën e kandidatës znj. Melihate Basholli-Latifi si një candidate me bagazh dhe përvojë të gjatë në jetën institucionale lokale. Sot jemi para një situatë krejt tjetër kur opozita kërkon shkarkimin e kryesueses për shkak të mënyrës së menaxhimit të këtij kuvendi jo krejt për fajin e saj, por edhe për problemet që i ka sjell qeverisja komunale në kuvend si dhe për nivelin e përbërjes së këtij kuvendi. Prandaj sot me të drejtë po i kërkohet kryesueses së kuvendit dorëheqja si një hapë drejt gjetjes së një zgjidhje të kësaj situatë që e ka kapluar këtë institucion tash e disa muaj. Nëse kryesuesja nuk jep dorëheqje ai do e mbështes mocionin e opozitës për shkarkimin e saj, respektivisht vendimin e kryesisë së LDK-së që mund të jetë një rrugë e rëndësishme për adresimin e situatave funksionale në kuvend dhe për të siguruar ristrukturimin e nevojshëm të funksionimit të institucionit. Zgjedhja e një kryesuesi apo kryesuese të re të afat për të udhëhequr dhe menaxhuar situata të ndërlikuar në kuvend, mund të jetë hapi i duhur për të ristrukturuar funksionimin e institucionit të ligjvënës, kjo tregon përgjegjësi dhe përkushtim për integritetin dhe efikasitetin e këtij procesi.

Në vazhdim grupi kuvendar i LDK-së dhe ai LVV-së leshtuan sallën e mbledhjes, ndërsa në sallë mbetën 16 anëtarë të kuvendit, kuorum i pamjaftueshëm për të vazhduar punimet e mbledhjes plenare dhe në këtë rast kryesuesja e kuvendit e ndërpreu mbledhjen në ora:10:44.

Më datën 07 mars 2024 ditë e enjte ora 14:20 kryesuesja e kuvendit hapi punimet e mbledhjes së ndërprerë të datës 29 mars 2024. Ajo konstatoj se në sallë janë të pranishëm 19 anëtarë (munguan 16 anëtarë të kuvendit), kuorum i mjaftueshëm për marrjen e vendimeve të plotfuqishme me pika e rendit të ditës të mbetura nga mbledhja e ndërprerë.

Prezent: Melihate Basholli Latifi, Mentor Hasani, Kushtrim Hyseni, Nurie Halili, Basri Menxhiqi, Galip Avdiu, Zojë Hajrizi, Blerina Shala, Jeton Gjaka, Bekim Zabërgja, Mensur Kastrati, Spasoje Stefanovic, Mensur Kasumi, Arlind Grantolli, Agron Perçuku, Faton Hyseni, Behar Duraku, Alban Bajrami dhe Ali Januzi.

Munguan: Adnan Lahu, Agim Bregaj, Bujar Pllana, Edona Gashi, Fakete Dushi, Fatmire Cecelia, Gentiana Rama, Gresa Muli, Leonora Gërguri, Mek Selaci, Nasuf Aliu, Nurten Çerkezi Gjyshinca, Refik Maloku, Shkëlzen Xhaferi, Sylejman Mehollu dhe Ymer Haradinaj.

Agron Perçuku, anëtar i kuvendit- deklaroi sot jemi mbledhur për ta vazhduar seancën e rregullt të kuvendit komunal për të diskutuar për pikat e rendit të ditës. Një prej propozimeve për të hyrë në rend të ditës është edhe mocioni për shkarkimin e kryesueses së kuvendit komunal znj. Melihate Basholli Latifi, i parashtruar nga LDK dhe VV. Si anëtar i këtij kuvendi, unë vij nga njëra prej këtyre subjekteve politike – LDK. Në seancën e kaluar e kam mbështetur në parim këtë mocion dhe veprimet e mia janë arsyetuar me kërkesën time për dorëheqjen e kryesueses, në mungesë të funksionimit të kuvendit në mënyrën më të mirë të mundshme. Megjithatë, sot mungesa e dy partive opozitare pa asnjë alternativë tjetër, nuk i përjashton ata për përgjegjësitë që i kanë para qytetarëve të Komunës së Vushtrrisë. Prandaj, sot përsëri i kërkoj kryesueses që të japë dorëheqje, për të siguruar funksionimin e kuvendit në një mënyrë të drejtë. Nëse kjo nuk ndodhë, unë nuk do të marrë pjesë në votim për këtë pikë të rendit të ditës. Sa u përket pikave tjera të rendit të ditës, do të jem prezent dhe do të kontribuoj në të mirë të qytetarëve të Vushtrrisë, ku për këtë jam edhe përfaqësues i tyre në kuvend. Nuk jemi këtu për t'ja rregulluar X-personit “pazaret politike”, kemi edhe obligim para qytetarëve, kur nuk ka alternativë, atëherë mos ta bllokojmë procesin e kuvendit. Kryetar dhe nënkryetar, zgjedhja apo shkarkimi i kryesueses së kuvendit është përgjegjësi e anëtarëve të kuvendit. Kërkesa ime është që të mos përziheni në udhëheqjen e kryesueses së kuvendit dhe mos shkaktoni problematika në këtë kuvend. Problemet që i keni në qeverisje komunale, po reflektojnë edhe në kuvendin komunal.

Faton Hyseni, anëtar i kuvendit: pas deklarimit të anëtarit të kuvendit, Agron Perçuku se nuk merr pjesë në votim, atëherë të pranishëm jemi 18 anëtarë, kurse me mospjesëmarrjen e Agronit në votim mbesim 17 anëtarë të pranishëm dhe nuk kemi kuorum për të vazhduar punimet. Unë kisha propozuar që kërkesa për shkarkim të kryesueses mos të hedhet në votim dhe të vazhdohet me pikat tjera.

Melihate Basholli Latifi, Kryesuese e kuvendit: deklaroi se në këto momente na është bashkëngjitur në mbledhje edhe anëtar i kuvendit, Ali Januzi.

Feri Idrizi, Kryetar i Komunës: dua t'ju siguroj juve si anëtarë të kuvendit dhe qytetarët e Vushtrrisë se zgjedhja dhe shkarkimi i kryesueses së kuvendit është në dorën tuaj dhe nuk është në dorën e ekzekutivit, as në dorën time e as të nënkryetarit. Kështu që, çdo vendim që e merrni ju, për neve është i respektueshëm. Ajo çka nuk kisha dashur të shoh është që nëse janë mbledhur nënshkrimet për shkarkimin e kryesuese, atëherë kjo çështje duhet të marr një epilog për faktin se nuk guxojmë të mendojmë në bllokimin e punës së kuvendit sepse dëmtohet interesi qytetar. Apeloj që kjo çështje të votohet sot dhe të merret një vendim meritator. Po ashtu ai propozoi që në rend të ditës të futet një propozim-vendim për ofrimin e ndihmës për shërim me z.Remzi Rashicën.

Melihate Basholli Latifi, Kryesuese e kuvendit- njoftoj se me kërkesë të DKA-së, pika e persët e rendit të ditës duhet të hiqet nga shqyrtimi në rend dite Propozim-vendimi për emërim të komisionit për ndarjen e bursave, sepse kjo pikë gabimisht është proceduar në kuvend, sepse një komision të tillë e formon me vendim kryetari i komunës.

Në vazhdim kryesuesja e kuvendit i procedoj për votim në mënyrë individuale pika e dërguar në të ndryshme dhe atë si vijon:

Kuvendi pas votimit me 17 vota “kundër” 1 votë “abstenim” dhe 1 anëtarë nuk mori pjesë në votim, nuk e aprovoj për inkorporim në rendin e ditës kërkesën e grupit kuvendar LDK dhe LVV për shkarkimin e kryesuese së kuvendit.

Kuvendi pas votimit me 19 vota “për” aprovoj për futej në rendin e ditës petitionin e banorëve të fshatit Nadakoc për emërimin e rrugës me emrin “Haxhi Haxha”.

Kuvendi pas votimit me 19 vota “për” aprovoj për futej në rendin e ditës propozim-vendimin për përkrahje financiare për shërim për z. Nysret Haradinaj.

Kuvendi pas votimit me 19 vota “për” aprovoj për futej në rendin e ditës propozim-vendimin për shpërndarjen e të hyrave vetanake të tejkaluara për buxhetin e vitit 2023.

Kuvendi pas votimit me 18 vota “për” aprovoj për futej në rendin e ditës propozim-vendimin për Bartjen e të Hyrave Vetanake nga viti 2023 në vitin 2024.

Kuvendi pas votimit me 19 vota “për” aprovoj për futej në rendin e ditës propozim-vendimin për përkrahje financiare për shërim për z. Remzi Rashica.

Kuvendi pas votimit me 19 vota “për” e hiqi nga rendi i ditës pikën e pestë-propozim-vendimi për formimin e komisionit për ndarjen e bursave në Komunën e Vushtrrisë.

Në fund të debatit jashtë rendit të ditës dhe për rendin e ditës, Kuvendi pas votimit me 19 vota “për” aprovoi këtë:

R E N D I T E

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 25 janar 2024, vazhduar më datën 01 shkurt 2024;
2. Shqyrtimi i Informatës për gjendjen e sigurisë në Komunën e Vushtrrisë për vitin 2023;
3. Shqyrtimi dhe aprovimi i Raportit periodik për zbatimin e rekomandimeve të dhëna në raportin e auditimit nga ZKA për Komunën e Vushtrrisë për vitin 2022;
4. Shqyrtimi i Informatës për shërbimet shëndetësore për vitin 2023 në Komunën e Vushtrrisë;
5. Shqyrtimi i Informatës lidhur me procedurën e kërkesave për lejet ndërtimore për vitin 2023;
6. Shqyrtimi dhe aprovimi i Raportit për punën njëvjeçare të Komitetit për Komunitete për vitin 2023;
7. Shqyrtimi i Informatës për punën e Këshillit Komunal për Siguri në Bashkësi për vitin 2023;
8. Shqyrtimi dhe aprovimi i Planit të Punës i Këshillit Komunal për Siguri në Bashkësi për vitin 2024;
9. Shqyrtimi i petitionin e banorëve të fshatit Nadakoc për emërimin e rrugës me emrin “Haxhi Haxha”;
10. Shqyrtimi dhe aprovimi i Propozim- vendimin për përkrahje financiare për shërim për z. Nysret Haradinaj;
11. Shqyrtimi dhe aprovimi i Propozim- vendimin për shpërndarjen e të hyrave vetanake të tejkaluara për buxhetin e vitit 2023;
12. Shqyrtimi dhe aprovimi i Propozim- vendimin për Bartjen e të Hyrave Vetanake nga viti 2023 në vitin 2024;

13. Shqyrtimi dhe aprovimi i Propozim- vendimin për përkrahje financiare për shërim për z. Remzi Rashica;
14. Pyetje dhe përgjigje.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 25 janar 2024, vazhduar më datën 01 shkurt 2024;

Pas shqyrtimit të kësaj pike të rendit të ditës, Kuvendi me vota “unanime”, aprovoi procesverbalin nga mbledhja rregullt e Kuvendit të Komunës së Vushtrrisë, mbajtur më 25 janar 2024, vazhduar më datën 01 shkurt 2024.

2. Shqyrtimi i Informatës për gjendjen e sigurisë në Komunën e Vushtrrisë për vitin 2023;

Shaban Salihu, zv. Komandant i Stacionit Policor në Vushtrri-paraqiti sqarime lidhur me gjendjen e sigurisë në zonën e përgjegjësisë në Vushtrri, mund të thuhet se gjendja e sigurisë është e qetë dhe stabile. Ai njoftoi se kanë një bashkëpunim të mirë me të gjithë akteret me ata komunal dhe të tjerët e gjithashtu kanë një bashkëpunim të shkëlqyeshme me qytetarët e Komunës së Vushtrrisë. Është inkurajues fakti se kemi rënien të numrit të veprave penale në vitin 2023 krahasuar me vitin 2022. Nga 967 vepra penale sa ishin në vitin 2022 në vitin 2023 kemi 879 sosh apo rënie prej 9.1%. Sa i përket zbulimit të veprave penale është arritur objektivi në masën ku 69.3% e rasteve janë zbuluar nga ana e policisë. Gjatë vitit 2023 zyrtarët policor kanë arrestuar rreth 582 persona për raste të ndryshme. Gjithashtu ai paraqiti edhe informata tjera për dy mujorin e parë të viti 2024 duke u përgjigjur në temat e ngritur nga anëtarët e kuvendit.

3. Shqyrtimi dhe aprovimi i Raportit periodik për zbatimin e rekomandimeve të dhëna në raportin e auditimit nga ZKA për Komunën e Vushtrrisë për vitin 2022;

Pas shqyrtimit të kësaj pike të rendit të ditës kuvendi me 19 vota “për” aprovoj Raportin periodik për zbatimin e rekomandimeve të dhëna në raportin e auditimit nga ZKA për Komunën e Vushtrrisë për vitin 2022.

4. Shqyrtimi i Informatës për shërbimet shëndetësore për vitin 2023 në Komunën e Vushtrrisë;

5. Shqyrtimi i Informatës lidhur me procedurën e kërkesave për lejet ndërtimore për vitin 2023;

6. Shqyrtimi dhe aprovimi i Raportit për punën njëvjeçare të Komitetit për Komunitete për vitin 2023;

Pas shqyrtimit të kësaj pike të rendit të ditës kuvendi me 19 vota “për” aprovoj Raportin për punën njëvjeçare të Komitetit për Komunitete për vitin 2023.

7. Shqyrtimi i Informatës për punën e Këshillit Komunal për Siguri në Bashkësi për vitin 2023;

8. Shqyrtimi dhe aprovimi i Planit të Punës i Këshillit Komunal për Siguri në Bashkësi për vitin 2024;

Pas shqyrtimit të kësaj pike të rendit të ditës kuvendi me 18 vota “për” aprovoj Planin e Punës i Këshillit Komunal për Siguri në Bashkësi për vitin 2024.

9. Shqyrtimi i peticionin e banorëve të fshatit Sfaraçak për emërimin e rrugës me emrin “Haxhi Haxha”;

Agron Perçuku, anëtar i kuvendit-tha se kuvendi i komunës ka formuar listat rezervë për emërtimin e rrugëve dhe në Drejtorinë e Urbanizmit ka emra që presin për emërtim të rrugëve, dhe nëse tejkalohe këta emra atëherë po bëhet një diskriminim. Në këtë listë rezervë ka plotë emra të personaliteteve meritore dhe kështu kjo çështje duhet të procedohet në Drejtorinë e Urbanizimit për trajtim të mëtejshëm për emërtimi e kësaj rruge.

Shpëtim Zhegrova, nënkryetar i komunës-sqaroi se kjo është një rrugë e re, pjesë e një segment ku janë ndërtuar disa shtëpi dhe ata banorë kanë kërkuar që kjo rrugë të emërohet. Këta banor janë pothuajse të gjithë familjar dhe sugjeroi që kjo çështje të përkrahet.

Jeton Gjaka, anëtar i kuvendit-tha se ka pasur kërkesa edhe më herët, ka edhe tani kërkesa për emërim të rrugëve, është më mirë që këto kërkesa të votohen në listë në pako ashtu që mos të bëhen ndarje të tilla.

Agron Perçuku, anëtar i kuvendit-tha se kjo çështje duhet të procedohet në Drejtorinë e Urbanizimit, komisionit kompetent për emërim të rrugëve dhe kështu të bëhet emërtimi i kësaj rruge.

Ali Januzi, anëtar i kuvendit-tha se në komunën tonë vërtet kemi personalitete dhe figura që kanë lënë gjurmë dhe kanë hyrë në analet e historisë, por në kontekstin e emërtimit të rrugëve me emrat e këtyre figurave sikur nuk iu kemi dhënë vendin meritore. Ai përsërit një propozim të tij të kamotshëm për nënën e Sherif Tërstenës Hatiqe Tërstena, e cila ka bërë një sakrificë të jashtëzakonshme, që është torturuar nga UDB-ja jugosllave dhe edhe përkundër kësaj emri i saj askund nuk figuron. Po ashtu edhe dy figura tjera janë hallat e Gjeneralit Rrahman Rama, që kanë qenë bashkëshorte të Adem dhe Hamëz Jasharit. Prandaj lidhur me këtë çështje ai apeloj që këto figura mos ti harrojmë dhe tu japim vendin që e meritojnë. Në fund tha se është e pa dinjëtshme që një figurë siç është Ukshin Kovaçica të emërohet një rrugë disa qindra metra kur ai meriton shumë më tepër.

Në fund të debatit lidhur me këtë pikë të rendit të ditës kuvendit pas votimit me 17 vota “për” 2 “abstenime” vendosi me sa vijon:

1. Me këtë vendim aprovohet peticionit i banorëve të fshatit Sfaraçak, të parashtruar në emër të z. Xhemajl Mlinaku, që lidhet me kërkesën e këtyre banorëve për emërimin e rrugës me emrin “Haxhi Haxha” në fshatin Sfaraçak.

2. Kuvendi i Komunës së Vushtrisë i rekomandon Drejtorisë për Urbanizëm dhe Mbrojtje të Mjedisit që ta themeloj një komision për emërimin e rrugëve (pasi që komisionit aktual i ka skaduar mandati) dhe të merret me kërkesën që është objekt shqyrtimi për emërtimin e rrugës me emrin “Haxhi Haxha”.

3. Obligohet Drejtoria për Urbanizëm dhe Mbrojtje të Mjedisit, që ta informoj kuvendin e komunës dhe parashtruesit e peticionit për veprimet e ndërmarra lidhur me këtë çështje.

4. Për zbatimin e këtij vendimi obligohet: Drejtoria për Urbanizëm dhe Mbrojtje të Mjedisit dhe drejtoritë tjera kompetente komunale.

5. Ky vendim hynë në fuqi pesëmbëdhjetë (15) ditë pas protokollimit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

10. Shqyrtimi dhe aprovimi i Propozim- vendimin për përkrahje financiare për shërim për z. Nysret Haradinaj;

Ali Januzi, anëtar i kuvendit-pyeti se deri ku ka shkuar proceduar për zbatimin e vendimit për ofrimin e ndihmës për shërim për z.Nasuf Aliu. Kërkoj që në mënyrë urgjentet të zbatohet ky vendim, mos të ketë vonesa sepse kemi të bëjmë me çështje shëndetësore.

Isuf Jashari, drejtor i DBF-së-sqaroi se kodi i programi 730 shëndetësia dhe mirëqenia sociale, nën-programi 74450 shërbimet e shëndetësisë primare. Lidhur me zbatimin e vendimit për Nasuf Aliun ceku se kemi ngecej për arsye të hapjes së ID-furnitorëve në Ministrinë e Financave.

Pas shqyrtimit të kësaj pike të rendit të ditës, kuvendi pas votimit me 19 vota “për” vendosi me sa vijon:

1. Me këtë vendim z. Drilon (Nysret) Haradinaj, nga fshati Stanoc i Epërm, i ndahen mjete financiare në shumë prej pesëmijë euro (5,000.00 €), ndihmë financiare për mjekim jashtë vendit të prindit të tij Dr. Nysret Haradinaj.

2. Mjetet financiare të cekur si në pikën paraprake të këtij vendim do të sigurohen nga buxheti i Drejtorisë për Shëndetësi dhe Përkujdesje Sociale, kategoria subvencione dhe transfere, programi 730 shëndetësia dhe mirëqenia sociale, nën-programi 74450 shërbimet e shëndetësisë primare.

3. Për zbatimin e këtij vendimi obligohen: Drejtoria për Buxhet dhe Financa dhe Drejtoria për Shëndetësi dhe Përkujdesje Sociale.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

11. Shqyrtimi dhe aprovimi i Propozim- vendimin për shpërndarjen e të hyrave vetanake të tejkaluara për buxhetin e vitit 2023;

Isuf Jashari, drejtor i DBF-së-sqaroi se duke u bazuar në Ligjin për Ndarjet Buxhetore, jemi të obliguar ta sjellim për votim këtë propozim-vendim për shpërndarjen e të hyrave vetanake të tejkaluara për buxhetin e vitit 2023, dhe me këtë po ruhet struktura e buxhetit e aprovuar për vitin 2023, dhe po ashtu paraqiti vlerat për secilën kategori ekonomike. Në kuadër të këtyre shumave do të hartohen edhe tabelat financiare lidhur me shpërndarjen e të hyrave vetanake në vitin 2024.

Pas shqyrtimit të kësaj pike të rendit të ditës, kuvendi pas votimit me 19 vota “për” vendosi me sa vijon:

1. Me këtë vendim bëhet shpërndarja e tejkalimit të planit të të hyrave vetanake për vitin 2023 në kategoritë ekonomike si në vijim:

1.1. Paga dhe Mëditje	11,511.00 €
1.2. Mallra dhe shërbime	220,900.88 €
1.3. Investime kapitale.....	666,159.46 €

Totali i mjeteve të bartura.....898,571.34 €

2. Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.

3. Pjesë përbërëse e këtij vendimi janë tabela për shpenzimet operacionale dhe tabela e shpenzimeve kapitale.

4. Ky vendim hynë në fuqi pesëmbëdhjetë (15) ditë pas protokollimit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrisë.

12. Shqyrtimi dhe aprovimi i Propozim- vendimin për Bartjen e të Hyrave Vetanake nga viti 2023 në vitin 2024;

Isuf Jashari, drejtor i DBF-së-paraqiti sqarime lidhur me këtë pikë të rendit të ditës duke shtuar se në kuadër të këtij propozim-vendimi kemi edhe tablat ku janë projektet shumica të kontraktuara dhe disa janë projekte të reja.

Pas shqyrtimit të kësaj pike të rendit të ditës, kuvendi pas votimit me 18 vota “për” vendosi me sa vijon:

1. Me këtë vendim bëhet bartja e të hyrave vetanake nga Fondi (21) për vitin 2023 në vitin 2024 në kategoritë si në vijim:

1.1 Paga dhe Mëditje	20,000.00 €
1.2 Mallra dhe shërbime	55,787.12 €
1.3 Shpenzime komunale.....	9,268.14 €
1.4 Subvencione dhe transfere.....	15,679.78 €
1.5 Investime kapitale.....	560,799.04 €

Totali i mjeteve të bartura.....661,534.08 €

2. Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.

3. Pjesë përbërëse e këtij vendimi janë tabela për shpenzimet operacionale dhe tabela e shpenzimeve kapitale.

4. Ky vendim hynë në fuqi pesëmbëdhjetë (15) ditë pas protokollimit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

13. Shqyrtimi dhe aprovimi i Propozim- vendimin për përkrahje financiare për shërim për z. Remzi Rashica;

Pas shqyrtimit të kësaj pike të rendit të ditës, kuvendi pas votimit me 18 vota “për” vendosi me sa vijon:

1. Me këtë vendim z. Remzi Rashica, nga fshati Studime e Poshtme, i ndahen mjete financiare në shumë prej pesëmijë euro (5,000.00 €), ndihmë financiare për mjekim jashtë vendit.

2. Mjetet financiare të cekur si në pikën paraprake të këtij vendim do të sigurohen nga buxheti i Drejtorisë për Shëndetësi dhe Përkujdesje Sociale, kategoria subvencione dhe transfere, programi 730 shëndetësia dhe mirëqenia sociale, nën-programi 74450 shërbimet e shëndetësisë primare.

3. Për zbatimin e këtij vendimi obligohen: Drejtoria për Buxhet dhe Financa dhe Drejtoria për Shëndetësi dhe Përkujdesje Sociale.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

14. Pyetje dhe përgjigje:

Faton Hyseni, anëtar i kuvendit- parashtror pyetje për Drejtoreshën e Urbanizimit, në vitin e kaluar kompania kontraktuese “Rahovica comerc” ka shtruar dy rrugë në fshatin Gracë, ndërsa dy anëoret kanë mbetur pa u mbushur me zall, për këtë pyeti se a do të ndërmerren veprime për të përfunduar këto punime.

Jeton Gjaka, anëtar i kuvendit-pyeti drejtoreshën e Urbanizimit se si do të veprohet për emërimin e rrugëve a do të veprohet sikur më herët me peticione apo përmes komisionit. Ndërsa drejtoreshën e Kulturës pyeti për rregullimin e disa raftave në muzeun e shkollës në Oshlan. Drejtorin e Shërbimeve Publike e pyeti se a është paraparë rregullimi i kanalizimit të shkollës në fshatin Oshlan.

Blerina Shala, anëtare e kuvendit-pyeti Drejtorin e Shërbimeve Publike se ka ndërmarr ndonjë masë për rregullimin e urës në rrugën kryesore që lidhë fshatin Pantinë me fshatin Oshlan.

Fortun Krasniqi, drejtoreshë e DUMM-së-njoftoi se mbushja e bankinave në fshatin Gracë, do të bëhet pas përmbushjes së obligimeve kontraktuale ndaj operatori ekonomik, ku kontrata është deri në muajin qershor 2024 kështu që jemi brenda kontratës. Ndërsa lidhur me emërimin e rrugëve do të jep përgjigje me shkrim.

Benjamin Shala, drejtor i DSHP-së-sqaroi se ka mjetet të planifikuar dhe kanalizimi dhe ura në fshatin Oshlan do të trajtohet këtë vit.

Agron Perçuku, anëtar i kuvendit-pyeti kryetarin e komunës lidhur me një tender që është i vitit 2021 për renovimin e objekteve sportive, nga gjendja në teren shihet se nuk është bërë asnjë investim, pyeti se këtë vit a do të ketë investime në objektet palestra sportive, stadiumi i gomës dhe

stadiumi i Qytetit të Vushtrrisë, çfarë do të ndodh me atë tender a është anuluar apo do të vazhdoen investimet.

Ferit Idrizi, kryetar i komunës-sqaroi se ka disa tender apo projekte që kanë mbetur të pa përfunduara siç është ai i Depos së patates për të cilin komuna ka paguar një dënim rreth 45,000.00 €, për shkak se kur është vendosur të ndërtohet në fshatin Pestovë është vendosur me vendim të Kuvendit të Komunës sipas procedurës së rregullt, ndërsa kur është vendosur të dislokohet në fshatin Nadakoc është bërë vetëm me vendim të ish-kryetarit që ka përbërë shkelje dhe operatori e ka paditur komunën dhe e ka fituar rastin. Projekti tjetër është ai i Stadiumit “Musa Abazi” dhe për këto projekte do të shkëputen kontratat, sepse këtyre operatorëve iu është dhënë mundësia që ti kryejnë punët dhe nuk i kanë përfunduar sipas afatit. Lidhur me kontratat e lidhur në këtë mandat të gjitha janë duke u përcjllur nga afër dhe shumica e projekteve kapitale në vlera të mëdha janë hartuar projekte dhe ato do të përfundojnë brenda afatit.

Mbledhja përfundoi në ora: 15:30.

Bastri Duraku

Procesmbajtës

Melihate Basholli-Latifi

Kryesuese e Kuvendit

